

YÈ DỌ DỌDAI WÈNDAGBELILÁ TỌN

Isaia 40:1-31; 52:7-10; Matiu 3:1-3; 11:2-15

NUPINPLỌN 352 – Na Mewinyanwinyan Lẹ

Nupinplọn Do Tamẹ: "Mi lẹnvojo: na ahọludù Olọn tọn sẹpọ" (Matiu 3:2).

Otò Johanu Tọn

To aigba húhú ji, to otò Jude tọn mẹ, to osó ji, podọ to oséigba ji to whèyihọ dali, to otónu ohù kúkú tọn, wẹ yè ji Johanu Baptisti te, mẹhe mejitọ etọn lẹ yín wàmọnọ. Eya é sọgan yín bibasi na ẹn sọn ohwé etọn gbè nado mọ osó Nẹbo tọn, otọ Jodani tọn po otọ Jẹliko tọn po he tin to awà awetọ ji. Otọ pẹsẹ Sẹliti tọn dali fihe ohọn lẹ ko hẹn núdùdù wá na Elija te to huvé whenu lọ tin to yake. Eya Johanu tẹ ko yi bẹ ofihe yè ylo oyín etọn helọ pọn, ehe yewhegán Jihwéyewhe tọn lẹ ko hẹn zùn otẹn whiwhe tọn de. Huhlọn dopolo, ogbèdide po vivenudido he sọawuhia to Elija mẹ wẹ yè sọ mọ to Johanu mẹ ga. Ogbèzán etọn po avòdido etọn po taidi Elija tọn. Núdùdù etọn sọ wẹ owèn po owín akú po (Matiu 3:4), ehe yín bibasi dọ e sọgan yín dọ owèhè wẹ yè do hi i bọ e sọ yín húhú bọ vivi etọn sọ taidi dègọn tọn.

Yewhehó Etọn

Johanu wẹ mẹhe yè na tẹnme nado lá wiwá Jesu tọn. Taidi maşinu ogbègángánno, nugbo wẹ dọ ogbè etọn to núdọ pé osó nele lọ ji; tòmẹnu Jelusalem tọn lẹ, Jude tọn po mẹhe nonọ otọ Jodani tọn tó lẹpo tón jẹgbonu wá nado sè yewhehó Johanu tọn. Ahọlu whèzeten tọn lẹ nọ yawu dó onulatọ hlan jẹgbonu nado jla aliho do podọ nado vọ aliho jlado to nukọn yetọn. Mọkẹde ga wẹ e sọ yín azọn Johanu tọn nado jla aliho do na wiwá Jesu tọn wá aihọn mẹ. "Mi jla aliho OKLUNỌ tọn do, mi basi aligbó jijlọ to ozùnme na Jihwéyewhe mítọn. Tándò lẹpo wẹ yè na zé doaga, osó po okọta lẹ po wẹ yè na zín do odò: gbingbán wẹ yè na hẹn jlọ, ofihe jẹ pódedòde wẹ yè na hẹn zùn titẹ" (Isaia 40:3, 4). Azọn Johanu tọn ma yín nado dèaliho gbigblo lẹ gba, kavi nado hẹn osó lẹ zùn agbado, şigba e to gbẹtọ lẹ hẹn wá tonusisè mẹ, e sọ to yé plọn nado dè zedaga po yennuwíwá po sẹ sọn ogbèzán yetọn lẹ mẹ bọ yé nisọ lẹnvojo sọn ylando yetọn lẹ mẹ.

Ohógbe şinatọn kẹde wẹ yewhehó he hẹn ayiha gbẹtọ lẹ lọ tọn hòalán bọ yé sọ yigbe ylando yetọn lẹ tọn, bọ yè sọ gbọn alọ Johanu tọn mẹ baptizi yé to Jodani mẹ. Etẹ wẹ onutitegbe he ji yewhehó Johanu tọn nọte do? "Mi lẹnvojo: na ahọludù olọn tọn sẹpọ" (Matiu 3:2).

Nuhe Yè Sọgan Yí Nukun Do Mọ

Etẹwẹ otadena "Ahọludù Olọn tọn" tọn? Yè dọhó sùsù gbọn e dali to Biblu mẹ, e sọ yín dandan dọ na ehelọ ni yín yinyọnen na mí. Jesu zán ohógbè helọ nado basi apajlẹ etọn: (1) okún mutaldi tọn; (2) otọn he yè yí whlá do linfin mẹ; (3) dawẹ ajowátọ; (4) odọ he yè dlan do ohù mẹ; (5) núkún dagbe; (6) adọkunnú he yè sọwhlá do ogle de mẹ (Matiu 13:31-47); (7) dawẹ hwéno de (Matiu 20:1); (8) ahọlu de he basi alọwlehúnhwẹ de na ovisunnu etọn (Matiu 22:2); (9) awhli ao he tónjei asisúnọ pé gbe lẹ (Matiu 25:1). Daniẹli basi apajlẹ etọn kẹdeđi ozánnu dahọ de (Daniẹli 2:31-45); mọwẹ owéwlantọ Alẹnu Hóhó tọn lẹ sọ do e hia ga.

Oyọnen ehelọ tọn sọgan nọ ma yín yinyọnen na mewinyanwinyan dele, şigba e jẹ na mí ni hùn nukun mítọn dai, na mí nisọ hùn otọ ayiha mítọn tọn dai nado yón nuhe ehelọ yín. Mí ma jlo na taidi nukuntọnnọ lẹ gbọn ehe dali yè dọ na mí to otánwema lẹ mẹ, yé mẹhe jlo na yọnen le ajlankú te do. Dọpo to yé mẹ doalọ nuhe tin to awòntinslo etọn mẹ go, e sọ dọmọ yẹn ko yọnen le ajlankú te do, e taidi ogá de; omẹdevo sọ doalọ afọ etọn go e dọmọ e taidi atin; mọ ga wẹ mẹdevo sọ doalọ adajahú ajlankú tọn he klo hugán go, e sọ dọmọ, e taidi adó. Şigba míwle ma yín nukuntọnnọ gba; mọ nukun mítọn ma sọ dózinvlú sọmọ bọ mí nado hia apadọpo Biblu tọn şokẹde gba, mí tindo Ohó Jihwéyewhe tọn lẹpo; finẹ wẹ mí sọ sọgan mọ ogbèyina te na kanbiọ helọ: etẹwẹ yè nọ ylo dọ Ahọludù Olọn tọn?

Jesu nọ yí "nuhe yè sọgan yí nukun do mọ" do plọn gbẹtọ lẹ nuhe Ewọ tindo to ayiha Etọn mẹ. E dọ dogbọn núkún mutaldi tọn dali, E dọmọ, ewọ wẹ whè hugan to núkún lẹpo mẹ, şigba e sọ whẹn bo sọ

lẹ̀zùn atin daho, ohẹ ojiaga tọn lẹ sọ nonò alá etọn lẹ sẹ̀nsẹ̀n. Jesu dọmọ Ahọludù Olon tọn tin jijlẹ do ehelọ go.

Gbejizọnlinjijitọ lẹ he ko yi aigba wiwé ji lẹ do na mí do nùkún mutaldi tọn helọ ehe dali Jesu do lọ gbé sọ tin finẹ sùsùgégé to aigba Palestini tọn ji, delẹ sọ nọ yiji hugan talala. E ma vẹawu na mí nado yonẹn do whenuena yè dè "odèhodo" sẹ sọn aihon mẹ podọ whenuena atin lẹ po nùkún lẹ po na tindo tẹnme nado whẹn dagbe dagbe, podọ matin aliglónnú atin mutaldi tọn lọsu na whẹn yiaga talala.

Ahọlu Po Ahọludù Po

Ahọludù to ahọlu yigba ji he tindo ahọlu, ohọ ahọlu tọn, ofin, ahovi, otògán lẹ po agbagogán he tin to ogbèdide ahọlu tọn glọ lẹ po. Whenuena Jesu Ahọlu na lẹgòwá nado dùahọlu to aigba ji; yè na hẹn adọ Ahọludù Etọn tọn ai to Jerusalem mẹ "yè na dó gigo OKLUNỌ tọn hia, agbasa lẹpo wẹ na mọ Ẹn dopó: na onù OKLUNỌ tọn wẹ do ẹ" (Isaia 40:5). Omẹ wiwe he lẹgòwá po Jesu po lẹ na wá dùahọlu hẹ Ẹ (Osọhia 2:26,27; 5:10), kẹdẹdile mí sọgan mọ do to nupinplon 342 mẹ do. Ahọludù dódó tọn helọ he Klisti yin Ahọlu etọn lọ na gbàpe aihon lẹpo mẹ. Be ehelọ ma taidi atin he to vùnvùn kaka e do gọ aihon lẹpo mẹ? Kavi taidi zannu nẹ, ehe tọn Daniẹli do ehe gọ aihon lẹpo mẹ?

Whinwhẹdagbe Etọn

Ojlẹ Wẹdagbe tọn he mẹ mí te helọ yin apá tintan to ahọludù Etọn mẹ. Jẹnukon, ogbè yẹwhẹhódoto dopo akàn tọn kẹdẹ, he do avò ofún kanklosópóawenọ tọn he ma tindo yeyi (Matiu 3:4), wẹ yè sè to zungbo mẹ. TO EHE GODO JESU WÁ! Gbẹto sùsù wẹ yè whlẹngan sọn ylando mẹ, yè sọ şinyan Apósteli wiawe lẹ nado do yẹwhẹhó Wẹdagbe tọn. Yé tonyi, owen lọ sọ gbapé yiyayiya gbọn ohó onumẹ tọn dali. Sọn ojlẹ nẹ mẹ gbõn kakajẹ dinvie wẹ mí ko to devizónwàto Jihwéyewhe tọn nugbonọ lẹ mọ, azónwàto lẹ po wẹdagbelatọ lẹ po he to Wẹdagbe whlẹngan sọn ylando mẹ tọn lá na ayiha depope he tin to zinvlú mẹ. "Yé ma sọgan nọ ma dọhó Wẹdagbe tọn pé akọta lẹpo sẹnsẹn whẹ" (Malku 13:10), whẹpo Jesu do wá, mọwẹ yè sọ to ehelọ hẹn sẹ to ojlẹ godo tọn helọ mẹ. Yisenọ dopodopo he yè vọji nugbonugbo wẹ to jijlo nado do na omẹ devole gbọn Jesu dali; mọkẹdẹ ga wẹ to ojlẹ he mẹ mí te helọ, po núzinzán whenu dinvie tọn lẹpo, Wẹdagbe to gbigbapé yiyayiya.

Moto pẹvi pẹvi lẹ, otòjihún lẹ, po agahún lẹ po wẹ yè to zinzán nado lá Wẹdagbe whlẹngan tọn pé. Nibotlẹ yin do ogbè Johanu tọn ko doalote nado nọ lá to osó Jude tọn ji, mọwẹ yè sọ to ogbè yẹwhẹhódoto dódónọ helọ tọn sè mọkẹdẹ. Agùn Foi Apostolique tọn tindo mimá to wẹdagbelila mẹ dogbọn yẹwhẹhó gbonu tọn he mí nọ basi pé to tòhomẹ lẹ tọn dali. Mọwẹ mí sọ nọ yi ogánpa mẹ, dótóhwé, po onọten yonhonọ lẹ tọn po; mí nọ dó otòjihún yi olòpo lẹ ji nado dọyẹwhẹhó na yé mẹhe tin to olá boboe lẹ; mí nọ yi dla ohún lẹ pón to otò tó, mí sọ nọ hẹn ohúntọ otòji tọn lẹ wá sinsẹnhọ mẹ; mí nọ hẹn yopovu lẹ wá wehomẹ sẹgbe tọn mẹ, to fihe yè nọ plón mẹ Ohó Jihwéyewhe tọn te. Mí nọ dó owé Wẹdagbe tọn lẹ hlan vónu yi otò dindẹn lẹ mẹ podọ awà dopo dopo lẹ ji to akọta míton lẹ mẹ. Omẹ sùsù he to owé helẹ yí, podọ owé pẹvipẹvi lẹ, nọ mọ dedlante yí sọn ylando mẹ podọ azónhẹngbo agbasa yeton lẹ tọn. Aliho wunmẹ wunmẹ wẹ mí sọ to gbingbọn to yigọ yigọ míton lẹ mẹ nado hẹn ogbèdide Jesu tọn sẹ. "Mì yi aihon lẹpo mẹ, mì ni to yẹwhẹhó Wẹdagbe tọn do hlan gbẹto lẹpo" (Malku 16:15).

Owen Dagbe

"Na afọ Ewọ he hẹn Wẹdagbe wá tọn yin whànpenọ to osó ji dole, he to owen jijọho tọn do, he to Wẹdagbe nudagbe tọn hẹn wá, he to whlẹngan tọn do" (Isaia 52:7). Yé mẹhe to Wẹdagbe lá lẹ yin wẹnzagun owen ayajẹ tọn, na otadena "**Wẹdagbe tọn**" wẹ "**owen ayajẹ tọn**" Be hiẹ ka yin wẹdagbelátọ mọ? Yin eyin lala, etẹwutu wẹ hiẹ ma do sẹ mọwá sọn egbéhe yi nado nọ to nùkún walodagbe tọn, owanyi, po whlẹngan po tọn dó, bọ hiẹ niso nọ pón le nùkún pẹvi lọ na yawu whẹn yi aga do. Hiẹ sọgan nọ to osin hú na "atin mutaldi" na whinwhẹn daga, kaka Jesu nado wá nado bẹ yé mẹhe ko wleawudai lẹ nado yi pé E. "Yè nasọ dọyẹwhẹhó Wẹdagbe Ahọludù tọn helẹ to aigba fininọ lẹpo mẹ na okúnnu de hlan akọta lẹpo; whẹnenu wẹ opòdo na wá" (Matiu 24:14).

Mí yise do opòdo ko sẹpó!

OKANBIQ LẸ

1. Ogbè mẹnù tọn wẹ yè sè to ozùn Jude tọn mẹ?
2. Etẹwutu wẹ yè do do e hlan? Etẹwẹ ohó yẹwhehodidọ etọn tọn?
3. Etẹ wẹ núdùdù etọn? Avọ etọn?
4. Mẹnù go wẹ yè na yí i jlẹ do to Alẹnu Hóhó mẹ?
5. Dọ apajlẹ atọn he Jesu basi dogbọn ahóludù Olon tọn dali?
6. Omẹ na nkọ lẹ wẹ yè do na lá Wẹndagbe na?
7. Aliho tẹ wẹ yè sọgan gbọn do basi alọgọ nado lá Wẹndagbe pé? Be hiẹ nọ wàmọ?
8. Etẹ Jesu dọ gbọn Johanu Baptisti tọn dali?
9. Nawẹ mí yọnen do dọ opòdo ko sẹpọ?